

Script of Evening Gojri News Bulletin 25 October 2024 at 1700 Hrs

ایوننگ گو جری نیوز بلیٹن مو رخہ 25 اکتوبر 2024

یوہ آکا شوانی جموں ہے اشفاق عذیم تے ظفر اقبال تیں خبر سُنو۔ پہلاں خاص خاص خبر۔

- * 1. گلمرگ مانہ ہوا دہشت گردانہ حملہ مانہ اک بور فوجی جوان غی موت ہو گئی اس طرح شہید ہون آلاں غی تعداد 5 ہو گئی ہے۔
- * 2. سرحدی حفاظتی فورس بی ایس ایف نے ضلع سانبہ مانہ تلاشی کا روائی نانہ نیز کر دتو ہے۔

* 3. مشرقی لداخ غا ڈمچوک تے ڈپسینگ علاقہ مانہ بھارت تے چینی فوج نے دستبرداری غو آغاز کر دتو ہے۔

* 4. تے وزیر اعظم نریندر مودی نے کہیو ہے جے جرمنی تے بھارتی ہٹر منداں واسطے ویزا غا کوٹہ نانہ 20 توں 90 ہزار تک بدھا دتو ہے۔

خبراں غی تفصیل نال پہلاں اشفاق عذیم۔

Baramulla Attack

جا تے روز ضلع بارمولہ مانہ دہشت گرداں گا اک مسلح گروپ نے قبضہ لکیر غے کول بوٹا پتھری غا علاقہ مانہ فوج غی گڈی نانہ نشانو بنایو جس مانہ 3 فوجی جوان تے دو پورٹر شہید ہو گیا ہیں۔ دسیو جا رہیو ہے جے اک بور فوجی جوان تاب نہ لاتاں واں اپنی جان گنواہ بیٹھو تے جس غے پیش نظر شہید ہون آلاں غی تعداد 5 ہو گئی ہے۔ دسیو جا رہیو ہے جے اک پورٹر سمیت 2 زخمی زیر علاج ہیں۔ واضع رہ جے کانگریس لیڈر پرینکا گاندھی نے گلمرگ اندر ہون آلا اس دہشت گردانہ حملہ مانہ شہید ہوا افراد بارے دکھ غو اظہار کیو ہے۔ انہاں نے کہیو ہے بں شہیداں غا کُنباں سنگ گہری تعزیت کروں تے زخمیاں نانہ جلد صحت یاب دیکھن غی خواہش کروں۔ اُن غو مزید کہنو تھو جے اک مہذب معاشرہ مانہ تشدد تے دہشت گردی ناقابل قبول ہے تے ایسا دہشت گردانہ حملہ واسطے کوئے وی مزمت کا فی نہیں ہے۔

Samba Search Operation

ضلع سانبہ مانہ بی ایس ایف تے پولیس نے اج سانبہ غا سرحدی علاقہ مانہ کُجھ مشکوک نقل و حرکت دیکھن توں بعد علاقہ مانہ سانجا تلاشی کا روائی شروع کی ہے۔ آکاشوانی جموں غا نمائندہ نے خبر ٹوری ہے جے یاہ تلاشی کا روائی وادی کشمیر مانہ حال ہی مانہ ہوا دہشت گرد حملہ غے پیش نظر کی جا رہی ہے۔ قابل ذکر ہے جے بی ایس ایف تے پولیس غی یاہ سانجی کا روائی سرحدی علاقہ رام گڑھ تے بین القوامی سرحد آلے پاسے گھنا جنگلاں مانہ کی جا رہی ہے۔ اس تلاشی کا روائی غو خاص مقصد سرحدی علاقہ مانہ کسے وی قسم غی مشکوک چیز ور نظر رکھنو ہے۔ قابل ذکر ہے جے ضلع ترقیاتی کمشنر سانبہ نے بین القوامی سرحد غے نیڑے 2 کلو میٹر تک آتش بازی تے پٹاکھا چلان ور پابندی عائد کی وی ہے۔ یاد رہ جے ضلع انتظامیہ غی طرفوں عائد یاہ پابندی تقریباً 2 مہیناں تک رہ سکے۔ یاہ اُس تیں وی پہلاں یاہ پابندی ختم کی جا سکے۔

Reasi Search Operation

بھارتی فوج، سی آئی ایس ایف تے پولیس نے اج ضلع ریاسی غا پونی علاقہ مانہہ کُجھ مشکوک نقل و حرکت دیکھن توں بعد علاقہ مانہہ تلاشی کا روانی شروع کر دتی ہے۔ علاقہ مانہہ موجود کسے وی مشکوک چیز ور نظر رکھن واسطے ڈرون غو استعمال کیو جا رہیو ہے۔ قابل ذکر ہے جے یاہ تلاشی کا روانی وادی کشمیر مانہہ ہوا دہشت گرد حملہ توں بعد کی جا رہی ہے۔

India China Disagreement

دفاعی حکام نے دسیو ہے جے مشرقی لداخ سیکٹر ڈمچوک تے ڈپسینگ مانہہ بھارت تے چین غا فوجی جواناں نے دستبرداری غو آغاز کیو ہے۔ دسیو گئیو ہے جے دوہاں فریقان بشکا ربون آلا معاہدہ غے مطابق بھارتی فوجیاں نے متعلقہ علاقان وچوں سامان واپس لیانو شروع کر دتو ہے۔ یاد رہے جے 21 اکتوبر نانہہ بھارت نے اعلان کیو تھو جے مشرقی لداخ مانہہ اصل قبضہ لکیر کول اک معاندو کیو گئیو جس مانہہ 4 بہراں غی فوجی کشیدگی نانہہ ختم کیو گئیو ہے۔ 24 اکتوبر نانہہ نوی دہلی مانہہ اک تقریب سنگ خطاب کرتاں واں وزیر دفاع راجناتھ سنگھ نے کہیو جے دوہاں ملکاں بشکار مساوی تے بابمی سلامتی نانہہ مد نظر رکھتاں واں زمینی تناؤ تے کشیدگی نانہہ ختم کیو گئیو ہے۔ اُن غو مزید کہنو تھو جے روایتی علاقان مانہہ گشت تے کاہ چرائی وغیرہ وی شامل کار کی گئی ہے۔

JK Darbar Move

عوامی اتحاد پارٹیغا چیرمین تے ممبر پارلیمان عبدالرشید شیخ جنہاں نانہہ انجینئر رشید غا ناں نال وی جانیو جائے وے اج اپنا حامیاں سنگ جموں کشمیر مانہہ سالانہ دربار موؤ نانہہ بحال کرن خاطر مطالبو کرتاں واں سرینگر غی سڑکاں ور نکل آیا۔ یاد رہے جے دربار موؤد نانہہ جموں کشمیر سیکریٹریٹ تے دیگر سرکاری دفتران نانہہ اک دارالحکومت سرینگر توں دوجی دار الحکومت جموں مانہہ منتقل کرن نانہہ کہیو جائے۔ تے یوہ سلسلو 1872 توں 2021 تک چلتو رہیو۔ جناب رشید تے اُن غا حامیاں نے وزیر اعظم نریندرمو دی تے وزیر اعلیٰ عمر عبداللہ ور زور دیتاں واں کہیو جے دربار موؤ غو اقدام جموں کشمیر غا دوہاں خطاں بشکار مضبوطی بخشے۔

Banihal Medical Camp

آن آلا سخت سرد موسم غے پیش نظر صحت بارے ڈائریکٹوریٹ تے بانہال این جی او نے 9 واں ایورویدہ تہاڑا گا موقعہ ور بانہال علاقہ غا دور دراز بسنیکاں واسطے اک طبی کیمپ غو انعقاد کیو۔ یاد رہے جے اس طبی کیمپ غو افتتاح نوڈل افسر بانہال ڈاکٹر بشیر احمد نے کیو۔ آکاشوانی سنگ گل کرتاں واں اُنہاں نے اس طرح کہیو۔۔۔بائٹ۔۔

یہ خبر تم آکاشوانی جموں تیں سُن رہیا ہیں خبراں غا باقی حصہ نال ظفر اقبال۔

Modi Olaf Meet

بھارت تے جرمنی نے نوی رفتار نانہہ برقرار رکھن خاطر اتفاق کیو تے اہم عالمی مسائل وروی تبادلہ خیال کیو۔ جرمن چانسلر اولاف شولز نے اج نویں دہلی مانہہ وزیر اعظم نریندرمو دی سنگ ملاقات کی تے اُنہاں نے معیشت، سرمایہ کاری، مینی فیکچرینگ، تکنیک، اختراع تے حفاظتی معاملات غے نال نال پُتر غی نقل و حرکت غا

شعباں مانہہ تعاون غا مزید مواقع فراہم کرن بارے تبادلہ خیال کیو۔ بعد ازاں دوہاں رہنماواں نے 7 ویں بین الحکومتی مشاورت آئی جی سی غی مشترکہ صدارت وی کی۔ یاد رہے بین الحکومتی مشاورت تے آئی جی سی اک مکمل پہل ہے جس مانہہ دوئے اطراف غا وزراء اپنی اپنی ذمہ داریاں غا شعباں بارے بات چیت کریں تے جس غے بعد اس غی رپورٹ چانسلر تے وزیر اعظم نانہہ پیش کریں۔ آئی جی سی غی اس تقریب سنگ خطاب کرتاں واں جناب مو دی نے کہیو جے دوہاں مُلکاں نے 2022 مانہہ آخری آئی جی سی غے دوران دو طرفہ تعاون خاطر اہم فیصلہ لیا تھا۔ جس غے گذریا 2 بہراں مانہہ بکھ بکھ شعباں مانہہ پیش رفت دیکھی گئی ہے۔ جناب مو دی غو مزید کہنو تھو جے جے جد دُنیا اک مشکل حالات توں گزر رہی ہے جس غے پیش نظر بند بحر الکابل خطہ مانہہ جہازاں غی روانی بارے سنگین خدشات ہیں۔ ایسا وقت مانہہ دوہاں مُلکاں بشکار پاء شراکت داری مضبوط طریقہ کا سنگ اُبھری ہے۔ یاد رہے جے جرمن چانسلر شولز بھارت غا 3 روزہ دورہ ور جا تے روز نوی دہلی پُجیا تھا۔

Jatinder Singh Homeopathy

کٹھوعہ ضلع مانہہ نواں منظور شدہ ہو میو پیتھی کالج نانہہ اپنا پہلا تعلیمی سیشن غی شروعات با رے باضابطہ منظوری دے دتی گئی ہے۔ جس مانہہ 63 طلباء نانہہ داخل کیو جا رہیو ہے۔ یاد رہے جے یوہ کالج جموں کشمیر غی طبی ترقی خاطر ڈاکٹر جتندر سنگھ غی عرضی ور وزیر اعظم نریندر مو دی نے منظور کیو تھو۔ اس با رے ڈاکٹر جتندر سنگھ نے کہیو ہے جے یوہ کالج خطہ مانہہ طبی تعلیم خاطر نویں راہ ہموار کرے گو۔ اُنہاں نے مزید کہیو جے اس خطہ مانہہ ادویات غا شعبہ مانہہ اک نواں تعلیمی موقع غی نشاندہی کرن خاطر 10 مارچ 2024 مانہہ اس کالج غودورو کیو تھو۔

MLA Bani

ممبر قانون ساز اسمبلی بنی ڈاکٹر رامیشور سنگھ نے آج سی ایم او کٹھوعہ ڈاکٹر وجے رینہ سنگھ سنگ ملاقات کر غے ضلع کٹھوعہ گا بنی مانہہ ڈسپنسری، صحت مراکز غی بُری حالت با رے دسیو۔ اُنہاں نے صحت ڈھانچہ نانہہ بہتر کرن غی ضرورت ور زور پایو نالے عملہ تے مشنری غی کمی با رے وی دسیو۔ آکاشوانی سنگ گل کرتاں واں اُنہاں نے اس طرح کہیو۔۔۔ با نٹ۔

Pahari Hostel

پہاڑی زبان بولن آلاں غی ترقی خاطر مشاورتی بورڈ غی سیکریٹری سپنا کوتوال نے قبائیلی امور، جل شکتی، جنگلات تے ماحولیات گا وزیر جا وید احمد رانا سنگ ملاقات کی۔ محترمہ کوتوال نے پہاڑی ہوسٹل غا کم کاج با رے وزیر سنگ بات چیت کی۔ جناب رانا نے بورڈ غی طرفوں طلباء واسطے کیا جان آلا فلاحی کماں غو وی جائزو لیو۔ اُنہاں نے سیکریٹری نانہہ ہدایت جا ری کی جے وے بورڈ غا کم کاج نانہہ مزید تیز کرن خاطر کوشش کریں تے وزیر موصوف نے لڑکیاں غا ہوسٹل مانہہ مناسب سہولیات با رے وی توجہ دتی۔

Samba DLSA

جموں کشمیر غی قانونی خدمات اتھارٹی تے ضلع سانہہ غی قانونی خدمات اتھارٹی نے آج سرکاری ڈگری کالج سانہہ مانہہ روک تھام، ممانت تے ازالہ ایکٹ 2013 غا

تناظر مانہہ کالسریاں غی جنسی ہراسانی غی روک تھام با رے اک بیداری تقریب گو انعقاد کیو۔ اس پروگرام گا انعقاد غو مقصد ات آیا لوکاں نانہہ روک تھام ممانت تے ازالہ یعنی پوش ایکٹ 2013 با رے آگاہ کرانو تھو۔ اس پروگرام مانہہ کالج غا پرنسپل، سٹاف ممبر، طلباء تے اتھارٹی گا باقی رضاکاراں نے حصو لئو۔

Distrcit Kishtwar

ضلع ترقیاتی کمشنر کشتواڑ راجیش کمار جہیڑا جے ڈی آر ایس سی ، آر ٹی اے تے آر اے وی ایف غا چیرمین وی ہیں انہاں نے اج ضلع سڑک حفاظتی کمیٹی غی میٹنگ غی صدارت کی ۔ اس میٹنگ مانہہ انہاں نے ضلع کشتواڑ مانہہ سڑکاں کی بہتری با رے افسراں سنگ غور و خوض کیو۔ میٹنگ مانہہ ضلع ترقیاتی کمشنر نے اے آر ٹی او کشتواڑ نانہہ کہیو جے وے رڈ ارسرولینس غے ذریعے ضلع مانہہ آن آلی نوی گڈیاں با رے ڈاٹو سانجو کریں۔ انہاں نے اے آر ٹی او نانہہ مزید کہیو جے وے روزمرہ مانہہ ناکہ لاغے گڈیاں غی چیکنگ کریں۔ انہاں نے مزید کہیو جے پیشہ ور گڈیاں ور 100 فیصد کیمرا نصب کیا جا نیں۔ ضلع ترقیاتی کمشنر نے مزید کہیو جے حادثہ مانہہ زخمی ہوا افراد واسطے طبی کیمپ غو انعقاد وی ضلع انتظامیہ غی طرفوں کیو جا ئے گو۔

اس غے نال ہی خبراں غو یوہ بلیٹن ختم ہوؤ۔